

Na osnovu člana 248. Zakona o tržištu vrijednosnih papira ("Službene novine Federacije Bosne i Hercegovine", broj: 85/08, 109/12, 86/15 i 25/17), «NAPRIJED INVEST» društvo za upravljanje fondovima d.o.o. Sarajevo daje sljedeću:

O B A V I J E S T

da je u ime i za račun Zatvorenog investicijskog fonda sa javnom ponudom "PROF-PLUS" d.d. Sarajevo, Trampina br. 12, izvršilo prodaju sljedećih dionica putem vanredne aukcije:

Naziv i sjedište emitenta	Datum izvršene transakcije	Klasa, oznaka i broj dionica prije transakcije	Procenat učešća dionica ZIF-a PROF-PLUS d.d. Sarajevo u ukupnom broju dionica prije prodaje	Procenat učešća dionica ZIF-a PROF-PLUS d.d. Sarajevo u ukupnom broju dionica poslije prodaje	Broj dionica poslije transakcije
SARAJEVO-OSIGURANJE d.d. Sarajevo	27.04.2026.	Redovna, SOSOR 381.733	8,2365%	0,00%	0

Na osnovu odredbi iz člana 234, a u vezi sa odredbom iz člana 303. Zakona o privrednim društvima F BiH (Službene Novine F BiH 81/15 i 75/21), člana 8. Zakona o vladinim, ministarskim i drugim imenovanjima (Službene novine F BiH 12/03, 34/03 i 65/13), člana 7. Zakona o javnim preduzećima u F BiH (Službene novine F BiH broj 8/05, 81/08 i 22/09 i 109/12), članova 4-9 Odluke o postupcima i kriterijima imenovanja na pozicije u reguliranim organima Općine Bosanska Krupa (Sl. Glasnik Općine 5/21) i člana 27. i 39. Statuta JKP "10.JULI" d.o.o. Bosanska Krupa, Skupština Društva raspisuje:

JAVNI KONKURS

ZA IZBOR I IMENOVANJE ČLANOVA NADZORNOG ODBORA JKP „10.JULI“ d.o.o. BOSANSKA KRUPA

Raspisuje se javni konkurs za izbor i imenovanje kandidata na upražnjenu poziciju člana Nadzornog odbora u JKP „10.JULI“ d.o.o. Bosanska Krupa, i to:

a) Članovi Nadzornog odbora – 5 članova;

I. OPIS POZICIJE

Pored nadležnosti utvrdjenih Zakonom o privrednim društvima F BiH, Zakonom o javnim preduzećima F BiH i Statutom, Nadzorni odbor ima i sljedeće nadležnosti:

- Nadzire rad uprave Društva
- Nadzire poslovanje društva
- Priprema poslovne i pravilnike i predlaže ih Skupštini
- Priprema Etički kodeks u suradnji sa Upravom i predlaže ga Skupštini
- Vrš izbor kandidata Odbora za internu reviziju i podnosi Prijedlog za njihovo imenovanje Skupštini
- Razmatra provedbene propise i postupak javnih nabavki i nadzire njegovu primjenu
- Imenuje i razrješava članove Uprave Društva
- Daje mišljenje Skupštini o prijedlogu Uprave za raspodjelom profita
- Daje ovlaštenja za aktivnosti Društva koje su ograničene Zakonom o javnim preduzećima F BiH
- Usvaja Izvještaj Uprave o poslovanju Društva sa bilansom stanja, bilansom uspjeha i izvještajem revizora
- Podnosi Skupštini godišnji Izvještaj o poslovanju Društva koji uključuje i izvještaje revizora te izvještaje o radu Nadzornog odbora, Odbora za reviziju i plan poslovanja za narednu poslovnu godinu u okvirima postojećeg plana poslovanja i revidiranog plana
- Ostale poslove predviđene Zakonom o privrednim Društvima, Zakonom o javnim preduzećima
- Odobrava kupovinu, prodaju, zamjenu, uzimanje u lizing i druge transakcije imovinom, direktno ili posredstvom supsidijarnih društava u toku poslovne godine u obimu od 15% do 33% knjigovodstvene vrijednosti ukupne imovine dioničkog društva, uz saglasnost Osmivača
- Ostale poslove predviđene Zakonom o javnim preduzećima, Zakonom o privrednim društvima, Statutom i Osnivačkim aktom.

II. MANDAT

Nadzorni odbor se imenuje na period od 4 (četiri) godine, počev od dana konačnog imenovanja, uz mogućnost obnove mandata.

Članovi Nadzornog odbora imaju pravo na naknadu za svoj rad u visini određenoj Odlukom Skupštine Društva. Nakon konačnog imenovanja članovi Nadzornog odbora zaključuje sa Upravom Društva Ugovor o angažmanu u Nadzornom odboru.

III. OPĆI USLOVI

1. da je kandidat stariji od 18 godina i da nije stariji od 65 godina na dan imenovanja;
2. da kandidat nije otpušten iz državne službe kao rezultat disciplinske mjere na bilo kojem nivou u BiH u periodu od 3 (tri) godine prije dana objavljivanja upražnjene pozicije;
3. da se na kandidata ne odnosi član IX. 1. Ustava BiH;
4. da kandidat nije lice osuđivano za krivično djelo i za prekršaj nespojiv s dužnošću u nadzornom odboru, pet godina od dana pravosnažnosti presude, isključujući vrijeme zatvorske kazne;
5. da nisu članovi upravnog ili nadzornog odbora drugog javnog preduzeća, ustanove, institucije ili drugog organa.

IV. POSEBNI USLOVI

1. Visoka stručna sprema, odnosno stečena diploma visokog obrazovanja, odnosno visoko obrazovanje prvog, drugog ili trećeg ciklusa Bolonjskog sistema studiranja ili Viša stručna sprema VI stepen
2. Najmanje 3 godine radnog iskustva u struci
3. Prilikom procjene kvalifikacija i iskustva kandidata kao posebni uvjeti uzimaju se i sljedeći kriteriji:
 - sposobnost za savjesno, odlučno i odgovorno obavljanje pozicije;
 - sposobnost nepristrasnog donošenja odluka;
 - komunikacijske i organizacijske sposobnosti;
 - rezultati rada ostvareni u dosadašnjem radu;
 - naklonjenost timskom radu.

V. POTREBNI DOKUMENTI

Uz prijavu na konkurs kandidati su dužni dostaviti dokaze o ispunjavanju općih i posebnih uslova:

1. kraću biografiju, adresu i kontakt telefon;
2. diplomu o stečenoj stručnoj spremi (original ili ovjerena kopija);
3. dokaz o radnom iskustvu u struci (original ili ovjerena kopija);
4. ovjerenu kopiju lične karte,
5. ovjerenu izjavu o nevođenju postupka u vezi sa članom IX. 1. Ustava BiH,
6. ovjerenu izjavu, da kandidat nije otpušten iz državne službe kao rezultat disciplinske mjere na bilo kojem nivou u BiH u periodu od 3 (tri) godine prije dana objavljivanja upražnjene pozicije
7. Uvjerenje nadležnog organa, ne starije od tri mjeseca računajući od datuma predavanja prijave, da kandidat nije lice osuđivano za krivično djelo i za prekršaj nespojiv s dužnošću u nadzornom odboru, pet godina od dana pravosnažnosti presude, isključujući vrijeme zatvorske kazne (original ili ovjerena kopija),
8. ovjerenu izjavu da kandidat nije član upravnog ili nadzornog odbora drugog javnog preduzeća, ustanove, institucije ili drugog organa.

9. Kandidat može dostaviti i druge dokumente koje smatra potrebnim, a koji se tiču uslova konkursa. Kandidati koji uđu u uži izbor, biće pozvani na intervju od strane Komisije za izbor, imenovanja, administrativna i mandatsko imunitetska pitanja Općinskog vijeća Bosanska Krupa.

Postupak za izbor i imenovanje članova Nadzornog odbora po javnom konkursu provodi Komisija za izbor, imenovanja, administrativna i mandatsko imunitetska pitanja Općinskog vijeća Bosanska Krupa u skladu sa Zakonom o ministarskim vladinim i drugim imenovanjima Federacije Bosne i Hercegovine („Službene novine F BiH“ broj:12/03, 34/03 i 66/13), Odlukom o postupcima i kriterijima imenovanja na pozicije u reguliranim organima općine Bosanska Krupa („Službeni glasnik općine Bosanska Krupa“ broj:5/21)

U postupku za izbor i imenovanje, Komisija pregleda sve blagovremeno prispjele prijave, te na osnovu načela utvrdjenih u zakonu i drugim propisima sastavlja listu sa uži izborom najboljih kandidata. Odluku o konačnom imenovanju članova Nadzornog odbora Društva donosi Skupština.

VI. ROK ZA PODNOŠENJE PRIJAVA

Javni konkurs ostaje otvoren 15 dana od dana objavljivanja u Službenim novinama Federacije Bosne i Hercegovine.

Prijave na konkurs, sa traženom dokumentacijom dostaviti na adresu:

**JKP „10.JULI“ d.o.o. Bosanska Krupa, Ulica Džemaludina Čauševića 4, 77240, Bosanska Krupa
PRIJAVA NA KONKURS ZA NADZORNI ODBOR-NE OTVARAJ**

Nepotpune i neblagovremene prijave neće se uzeti u razmatranje.

Društvo nije u obavezi kandidatinu vraćati dokumentaciju prispjelu na konkurs.

Broj: 14-SD/26
Datum: 21.04.2026. godine

PREDSJEDAVAJUĆI SKUPŠTINE
Adnan Dupanović

Javna ustanova „Dom zdravlja Gornji Vakuf-Uskoplje“ na osnovu člana 3. Uredbe o postupku prijema u radni odnos u javnom sektoru u Srednjobosanskom kantonu („Službene novine Srednjobosanskog kantona“, broj: 7/19, i/21 i 1/25), Odluke Upravnog odbora broj: 9/26 Odl od 26.03.2026.godine, raspisuje

OGLAS

za prijem u radni odnos

1. Ljekar -Stomatolog – jedan izvršioc – određeno vrijeme jedna godina

Opis poslova:

- Rad u zubnoj ordinaciji na zdravstvenoj zaštiti usta i zuba svih kategorija stanovništva,
- Zdravstveno prosvještavanje stanovništva iz oblasti zaštite usta i zuba,
- Davanje prijedloga i mišljenja za unapređenje rada u službi,
- Izrada izvještaja o radu iz djelokruga rada službe
- Vrš i druge poslove koje odredi direktor Doma zdravlja u okviru stručne spreme

Uslovi za vršenje poslova:

Visoka stručna sprema – Medicinski fakultet – smjer stomatologija, položen stručni ispit, posjedovanje licence za samostalan rad i šest mjeseci radnog iskustva na poslovima svoje struke nakon završene visoke stručne spreme.

2. Inženjer medicinske radiologije – broj izvršioaca jedan(1)-određeno vrijeme –jedna godina

Opis poslova:

- Organizacija RTG poslova i ultrazvučne dijagnostike
- Rad u RTG kabinetu, rad na grafiji, aurografiji i skopiji,
- rad na radiološkim pretragama i izdavanju nalaza,
- Davanje prijedloga i mišljenja za unapređenje rada u službi,
- Izrada izvještaja o radu iz djelokruga rada službe,
- Vršenje i drugih poslova u okviru stručne spreme koje odredi direktor Doma zdravlja

Uslovi za vršenje poslova:

Visoka stručna sprema ,završen zdravstveni fakultet, smjer radiologija, položen stručni ispit i šest mjeseci radnog iskustva na poslovima svoje struke nakon završene visoke stručne spreme.

3. Spremačica-čistačica – broj izvršioaca jedan(1)- neodređeno vrijeme

Opis poslova:

- Poslovi čišćenja prostorija i inventara
- Pranje medicinskog veša
- Čišćenje i održavanje dvorišta
- Obavljanje i drugih poslova koje odredi direktor Doma zdravlja

Uslovi za vršenje poslova:

Završena osnovna škola.

Uz prijavu na Oglas kandidati su dužni dostaviti dokumentaciju (ovjerene kopije):

Radno mjesto pod brojem 1 i 2

- uvjerenje o državljanstvu,
- dokaz o stečenoj školskoj spremi (diploma),
- dokaz o radnom iskustvu na poslovima svoje struke,
- uvjerenje o položenom stručnom ispitu
- licenca za samostalan rad
- biografija sa kontakt telefonom i i adresom stanovanja

Radno mjesto pod brojem 3.

- uvjerenje o državljanstvu
- dokaz o stečenoj školskoj spremi
- biografija sa kontakt telefonom i i adresom stanovanja

Prednost u zapošljavanju kandidat dokazuje odgovarajućim dokumentima (potvrdom, uvjerenjem i slično) koje prilaže prilikom prijave na javni oglas, pozivajući se na posebni zakon prema kojem ima prednost u zapošljavanju. Mjesto obavljanja rada i radno vrijeme: Centralna zgrada Doma zdravlja i područne ambulante, radno vrijeme u skladu sa odredbama Pravilnika o radu.

Samo izabrani kandidat će biti obavezan dostaviti liječničko uvjerenje kao dokaz o zdravstvenoj sposobnosti za obavljanje poslova iz oglasa.

Kandidati će proći proces testiranja u skladu s članom 8. Uredbe o postupku prijema u radni odnos u javnom sektoru u Srednjobosanskom kantonu.

Prijavu sa potrebnom dokumentacijom slati na adresu:

JU Dom zdravlja-Gornji Vakuf-Uskoplje, Blstrička cesta bb, Gornji Vakuf-Uskoplje, (ili direktno na pisarnicu Javne ustanove) sa naznakom „Ne otvarati – prijava na javni oglas“.

Nepotpune i ne blagovremene prijave neće se uzimati u razmatranje.

Oglas ostaje otvoren osam dana od dana objavljivanja.

O rezultatima Oglasa kandidati će biti obavješteni pismenim putem.

Broj: 01- 474/26

Dana: 28.04.2026.g.

DIREKTORICA
Alisa dr.Kurahodžić
Specijalista pedijatar

NAPRIJED Invest

Na osnovu člana 248. Zakona o tržištu vrijednosnih papira („Službene novine Federacije Bosne i Hercegovine“, broj: 85/08, 109/12, 86/15 i 25/17), «NAPRIJED INVEST» društvo za upravljanje fondovima d.o.o. Sarajevo daje sljedeću:

O B A V I J E S T

da je ime i za račun Zatvorenog investicijskog fonda sa javnom ponudom „PROF-PLUS“ d.d. Sarajevo, Trampina br. 12, izvršilo prodaju sljedećih dionica putem vanredne aukcije:

Naziv i sjedište emitenta	Datum izvršene transakcije	Klasa, oznaka i broj dionica prije transakcije	Procenat učešća dionica ZIF-a PROF-PLUS d.d. Sarajevo u ukupnom broju dionica prije prodaje	Procenat učešća dionica ZIF-a PROF-PLUS d.d. Sarajevo u ukupnom broju dionica poslije prodaje	Broj dionica poslije transakcije
SARAJEVO OSIGURANJE d.d. Sarajevo	27.04.2026.	Redovna, SOSOR 381.733	8,2365%	0,00%	0